

## “INDORAMA CORPORATION” КОМПАНИЯСИНING МАМЛАКАТИМИЗДАГИ ФАОЛИЯТИНИ КЕНГАЙТИРИШ РЕЖАЛАРИ ҚўЛЛАБ-ҚУВВАТЛАНДИ

Ўзбекистон Республикаси Президенти Шавкат Мирзиёев 11 октябрь куни Сингапурнинг “Indorama Corporation” компанияси асосчиси ва раиси Шри Пракаш Лохия бошчилигидаги делегацияни қабул қилди.



Ўзбекистон иқтисодиётининг кимё, тўқимачилик ва қишлоқ хўжалиги соҳаларида йирик инвестор ва муҳим технологик ҳамкор бўлган ушбу компания билан ўзаро манфаатли шерикликни янада ривожлантириш масалалари кўриб чиқилди.

Таъкидлаш жоизки, “Indorama Corporation” томонидан мамлакатимизда пахта толасини етиштириш ва чуқур қайта ишлашга қаратилган йирик инвестиция лойиҳалари амалга оширилди. Қўқон суперфосфат заводи модернизация қилинмоқда.

Давлатимиз раҳбари сингапурлик инвесторнинг Ўзбекистонда янги лойиҳаларни амалга ошириш, шу жумладан, “Фаргонаазот” акциядорлик жамияти қувватларини кенгайтириш, тармоқ корхоналарини хусусийлаштириш, тўқимачилик ва қишлоқ хўжалигида замонавий ишлаб чиқаришларни ташкил этиш режаларини қўллаб-қувватлади.

Ушбу лойиҳаларни амалга ошириш натижасида компаниянинг мамлакатимизга тўғридан-тўғри инвестициялари умумий ҳажми ҳозирги 600 миллион доллардан 850 миллион долларгача ошадди.

Инвестициявий ҳамкорликнинг устувор лойиҳаларини илгари суриш бўйича “йўл харитаси”ни қабул қилиш муҳимлиги қайд этилди.

ЎЗА

## ТУРИЗМ СОҲАСИ ВА “ЯШИЛ МАКОН” ЛОЙИҲАСИ ДОИРАСИДАГИ ВАЗИФАЛАР МУҲОКАМА ҚИЛИНДИ

Президент Шавкат Мирзиёев раислигида 11 октябрь куни туризм ва маданият масканлари имкониятини тўлиқ ишга солиш, “Яшил макон” умуммиллий лойиҳасининг кузги мавсумини ташкил этиш масалалари юзасидан видеоселектор йиғилиши ўтказилди.

Маълумки, туризм иқтисодиёт учун қўшимча ва туганмас манба. Шу боис, ҳар бир давлат сайёҳларни жалб этишга ҳаракат қилади. Мамлакатимизда бу соҳага кенг имкониятлар яратилаётгани натижасида меҳмон ўринлари, саёҳат жойлари ва йўналишлари кўпайиб бормоқда.

Ўтган 8 ойда юртимизга хориздан 4 миллион 300 минг нафар турист келган, улардан 1 миллиард 400 миллион доллар тушум бўлган. Қўшимча дам олиш кунлари ва чегирма берилгани натижасида ички сайёҳлар сони 15 миллион нафарни ташкил қилиб, ўтган йилгига қараганда 2 баробарга ўсган.

Туризм инфратузилмаси изчил ривожланмоқда. Жорий йилда 15 мингта янги меҳмон ўринлари ташкил этилиб, уларнинг сони 137 мингтага етди. 540 та дам олиш ва кўнгилочар маскан барпо этилди, 70 та туризм маршрути очилди.

Шунингдек, 6 та хусусий авиакомпания иш бошлади, янги 23 та самолёт олиб келинди, 20 та халқаро ва 6 та ички қатнов йўлга қўйилди. Самарқанд аэропортида ҳафталик халқаро рейслар 46 тадан 85 тага кўпайди. 1 минг 300 та замонавий автобус харид қилиниб, 38 та йўналиш очилди.

Йиғилишда туристларни кўпайтириш бўйича янги имкониятлар муҳокама қилинди.

Аввало, қўшни давлатлардан, Россия ва Хитойдан сайёҳларни жалб қилиш учун қўлай имконият борлиги таъкидланди. Хусусан, мамлакатимизда минглаб санаторий корхоналари, аҳоли турар жойлари барпо этилиб, табиий газга талаб ортиб бораётган, қолаверса, ўтган йилги энергетик тақчиллик оқибатлари ҳали ёддан чиқмаган бир пайтда газ импортига оид бу янгилик эътирофга лойик, албатта.

Давоми 4-бетда

Туристларни жалб қилиш бўйича яна бир катта йўналиш бу — маданий тадбирлар. Президентимиз ташаббуси билан Қорақалпоғистон ва айрим вилоятларда фестиваллар ташкил этилган. Шу тажриба асосида қолган ҳудудларда ҳам туристларни жалб этадиган маданий тадбирларни кўпайтириш топшириги берилди.

Давлатимиз раҳбари мамлакат имижиде кино санъатининг ўрнига алоҳида эътибор қаратди. Маданият вазирлиги ва Кинематография агентлиги борада кўрсатмалар берилди.

“Ипак йўли” туризм халқаро университети мутахассислари иштирокида сервис сифати ҳамда соҳа ходимларининг малака ва маданиятини ошириш вазифаси қўйилди.

Жойлардаги сайилгоҳ ва истироҳат боғларини жонлантириш, тематик туризм кўчаларини ташкил қилиш, бадиий жамоаларни либос ва анжомлар билан таъминлаш масалаларига ҳам тўхталиб ўтилди.

Йиғилишда “Яшил макон” умуммиллий лойиҳаси доирасидаги ишлар ҳам кўриб чиқилди. Юртимизда бу ҳаракат бошланганига 2 йил бўлди. Шу даврга 1 минг 200 гектардан ортиқ яшил боғ ва жамоат парклари, 1 миллион гектардан зиёд яшил ҳудуд ва қопламалар барпо этилди. Умуман, жамиятда, масъулларда дарахтга нисбатан муносабат ўзгарди.

Энди 25 октябрдан 1 декабргача “кузги дарахт экиш мавсуми” эълон қилинади. Бу мавсумда 85 миллион тул қўчат экилиши мўлжалланган.

Бунинг учун Республика штаби тузилиб, унга Фанлар академияси, Тупроқшунослик ва Ўрмончилик институтлари, ўрмон хўжалиги раҳбарлари киритилди. Улар тупроқ таҳлили ва иқлим шароити асосида қўчат турини белгилаб беради.

Ўрмон хўжалиги агентлиги томонидан ҳар бир маҳаллага 200 тадан қўчат бепул етказиб берилди. Шунингдек, 15 октябрдан барча туман ва маҳаллаларда қўчат ярмаркаси ташкил қилинади.

Қўчат экишда манфаатдорликни ошириш мақсадида автомобиль, темир йўл, дарё ва каналлар бўйи аҳоли ва тадбиркорларга шартнома асосида ер тоифаси ўзгартирилмасдан бўлиб берилди.

Бандлик вазирлигининг Жамоат ишлари жамғармаси маблағлари бундан бун маҳаллаларнинг ўзига берилди ва дарахт экиш, парвариш ҳамда тозалик тадбирларига йўналтирилди.

Маълумки, вилоят, туман ва шаҳарларда ободонлаштириш бўлими бор. Бу хизматларни тажриба тарихида хусусий секторга бериш таклифи билдирилди. Бунда ҳар бир қўча дарахтлари билан алоҳида-алоҳида лот қилиниб, бир йиллик маблағи билан очик танловга қўйилади. Мутасаддиларга шу борадаги шартлар ва молиялаштириш тартибини ишлаб чиқиш топширилди.

ЎЗА

## ЎЗБЕКИСТОН РЕСПУБЛИКАСИ ПРЕЗИДЕНТИ МДҲ САММИТИДА ИШТИРОК ЭТАДИ

Ўзбекистон Республикаси Президенти Шавкат Мирзиёев Қирғиз Республикаси Президенти Садир Жапаровнинг таклифига биноан Мустақил Давлатлар Ҳамдўстлиги Давлат раҳбарлари кенгашининг навбатдаги мажлисида иштирок этиш учун 13 октябрь куни амалий ташриф билан Бишкек шаҳрида бўлади.

Саммит тадбирлари давомида МДҲ доирасидаги кўп томонлама ҳамкорликни янада кенгайтириш, жумладан, савдо, инвестициялар, sanoat кооперацияси, инновациялар, рақамлаштириш, транспорт, таълим, маданият ва бошқа соҳаларда қўшма дастур ва лойиҳаларни амалга ошириш масалалари кўриб чиқилади.

Давлат раҳбарлари халқаро кун тартибидagi масалалар юзасидан ҳам фикр алмашдилар. Йиғилиш якунида Ҳамдўстлик доирасидаги ҳамкорликнинг устувор йўналишларига доир қатор битим ва қарорларни қабул қилиш кўзда тутилган.

ЎЗА

## ТАРАДДУД

Давлатимиз раҳбарининг шу йил 5-7 октябрь кунлари Россия Федерацияси Президенти таклифига биноан ушбу давлатга расмий ташрифи самарали кечди. Айниқса, ташриф доирасида Россиядан Қўзғоғистон орқали мамлакатимизга газ етказиб берилиши бўйича келишувлар юртдошларимиз учун қувонарли бўлди.

## УСТЮРТ КЕНГЛИКЛАРИДА КўМИЛГАН БОЙЛИК



Ушбу воқелик қайси жиҳати билан аҳамиятли, аксарият юртдошларимиз нега бундан хурсанд бўлмоқда, деган ҳақиқ савол туғилиши табиий. Маълумки, ўтган қишда кузатишган аномал совуқ энергетика таъминоти билан боғлиқ муаммоларимизни кўрсатиб, шу жумладан, газ босими пастлиги туфайли маълум муддат уйларимиз исимида, аввалига автомобилларга газ тўлдириш шохобчаларида турнақатор навбатлар пайдо бўлди, кейинчалик эса вақтинчалик ишламади ҳам.

Россия газини “реверс” тарзида импорт қилиш масаласига келсак, маълумотларга кўра, Ўзбекистон ҳар йили Россиядан 2,8 миллиард куб метр газ сотиб олади. Мамлакатимизда минглаб sanoat корхоналари, аҳоли турар жойлари барпо этилиб, табиий газга талаб ортиб бораётган, қолаверса, ўтган йилги энергетик тақчиллик оқибатлари ҳали ёддан чиқмаган бир пайтда газ импортига оид бу янгилик эътирофга лойик, албатта.

Давоми 4-бетда

## ИЛМ-ФАН ТАРАҚҚИЁТИ

## ТИББИЁТДА ЯДРОВИЙ ТЕХНОЛОГИЯЛАРНИ ҚўЛЛАШ ҚАНЧАЛИК МУҲИМ?

Ўзбекистон Фанлар академиясининг 80 йиллиги мамлакатимиз илмий жамоатчилиги учун алоҳида аҳамиятга эга. Жойларда мақсуд санана бағишланган катта илмий анжуманлар, турли тадбирлар ташкил этилмоқда. Шундай йиғинлардан бири 3-5 октябрь кунлари Бухоро шаҳрида бўлиб ўтди. “Ядровий тиббиёт” мавзусидаги халқаро конференцияда ўндан ортиқ давлатдан 200 га яқин олимлар, соҳа мутахассислари иштирок этди.

Давоми 5-бетда

## БУЮК ЎЗБЕК ЙўЛИ ЭРКИН НАФАС ОЛАЁТГАН ХАЛҚ

### ЁХУД МУНОСИБ ЯШАШ БАҲТИ

Она тилимизда “яшамоқ” сўзининг маънодошлари кўп. Чунончи, “ҳаёт кечирмоқ”, “тирикчилик қилмоқ”, “турмуш кечирмоқ”, “рўзгор тебратмоқ”, “кун кўрмоқ”, “истиқомат қилмоқ” каби сўз бирикмалари шу ёки шунга яқин маънони ифода этади. Лекин инсон яшаётган шароит, уни ўраб турган ижтимоий муҳит ёки вазиятга қараб, ушбу сўз ва иборалар ўзгача семантик урғуга, яъни маъно қатламларига ҳам эга бўлиши мумкин.



Масалан, бундан 8-10 йил олдин ўзимиз яшаётган маҳалла ёки қишлоғимиз аҳолиси билан кундалик ҳаёт ташвишлари ҳақида суҳбатлашсак, “Ҳа, энди амал-тақал қилиб кун кўриб юрибмиз-да, иложимиз қанча”, дегувчилар кўп бўларди. Ўзбекиона андиша пардаси билан ҳақиқий ҳолат бир оз

юмшатиб айтилган бу сўзлар замирида турмушнинг ночорлиги, етишмовчилик ва муаммолар ҳар қадамда учраб туриши билан боғлиқ дарду ҳасрат мужассам эди.

Давоми 3-бетда









